



**Expediente núm.:3364/2020**

**Asunto:** Axudas a hostalería para responder ó impacto económico do peche pola COVID19 nos establecementos de hostalería de Verín

## **BASES REGULADORAS DAS AXUDAS ECONÓMICAS PARA RESPONDER AO IMPACTO PROVOCADO POLA COVID19 NA HOSTALERÍA DO CONCELLO DE VERÍN**

A crise provocada pola expansión do COVID19 creou un novo escenario social e político que implicou e implica a adopción de medidas por parte dos diferentes Gobernos, nomeadamente os gobernos municipais.

Ante o aumento de casos de COVID19 no noso municipio, o Concello de Verín, deseña unha nova medida que ten como obxectivo evitar a xeración de risco de propagación da COVID19. Establécese en consenso co sector, o peche voluntario dos bares da vila dende o martes 13 de outubro ás 20:0h ata o xoves 22 de outubro incluído, (9 días en total).

Esta medida vai acompañada dunha liña de axudas que se concederán en réxime de concorrencia non competitiva aos traballadores autónomos e empresarios que exerzan actividade económica como “café-bar” no concello de Verín e que, estarán destinadas a minimizar o impacto económico do peche acordado polo sector, e estarán reguladas polas seguintes bases:

### **PRIMEIRA: NORMATIVA APLICABLE**

Sen prexuízo das especificacións establecidas nestas bases, serán de aplicación ao procedemento e ás subvencións que constitúen o seu obxecto as disposicións vixentes aplicables ao Concello de Verín, integradas pola Lei 38/2003, do 17 de novembro, xeral de subvencións e o seu regulamento de desenvolvemento; pola Lei 9/2007, do 13 de xuño, de subvencións de Galicia, e as bases de execución do orzamento municipal, así como a Lei 39/2015, do 1 de outubro, do procedemento administrativo común das administracións públicas e calquera outra disposición normativa que pola súa natureza puidese resultar de aplicación.

2. A xestión destas subvencións suxeitarase aos principios de publicidade, transparencia, obxectividade, igualdade e non discriminación, así como ao de eficacia no cumprimento de obxectivos e eficiencia na asignación e utilización dos recursos públicos.

---

**Concello de Verín**

Plza. del Concello, 1, Verín. 32600 (Ourense). Tfno. 988410000. Fax: 988411900



Cod. Validación: 3TORCYA9XADP6ZKZ0RE6M19RL | Corrección: <https://verin.sedelectronica.gal/>  
Documento asinado electronicamente desde a plataforma xestiona esPublico | Páxina 1 a 5



## **SEGUNDO: CREDITO ORZAMENTARIO:**

A contía destinada para o outorgamento destas axudas será con cargo á Aplicación Orzamentaria numero 431.479 do estado de gastos do Orzamento do Concello de Verín 2020 e, mediante estas bases e o acordo oportuno, o Concello comprométese a habilitar o crédito necesario no orzamento do ano 2020, para poder atender estas axudas.

## **TERCEIRO: OBXECTO DAS AXUDAS**

O obxecto destas axudas é paliar o impacto económico que tivo a crise sanitaria derivada da COVID19 nos establecementos “cafés-bares” do Concello de Verín que, por consenso, acordaron o peche voluntario dos establecementos “café-bar” entre o 14 e o 22 de outubro de 2020, adoptando este comportamento singular co obxectivo de frear a expansión do virus no noso Concello.

## **CUARTO.- PERSOAS BENEFICIARIAS:**

Poderán ser beneficiarios destas axudas os traballadores autónomos e empresarios que exerzan a súa actividade económica como café-bar no Concello de Verín e que se visen afectados pola crise derivada da COVID19

Para estes efectos consideraranse beneficiarios as persoas físicas que sexan titulares dun café-bar no Concello de Verín e que cumpran os seguintes requisitos:

- a) Ser traballadores autónomos, incluídos no réxime especial de traballadores autónomos. Entenderanse incluídos todos os traballadores aos que se refire o artigo 1 da Lei 20/2007, de 11 de xullo, do Estatuto do traballo autónomo, coa excepción dos autónomos colaboradores (cónxuxe ou familiares ata o segundo grado de consanguinidade, afinidade ou adopción que convivan co traballador autónomo titular da actividade económica, realicen traballos retribuídos e non teñan a consideración de traballadores por conta allea),
- b) Atoparse de alta no correspondente réxime de Seguridade Social
- c) Recibo do lixo do ano en curso que demostre que o local está activo.
- d) Ter cesado a súa actividade conforme ao acordo consensuado adoptado

---

### **Concello de Verín**

Plza. del Concello, 1, Verín. 32600 (Ourense). Tfno. 988410000. Fax: 988411900





polos hostaleiros de Verín a partir do 13 de outubro de 2020 ás 20:00h

Para estes efectos consideraranse beneficiarios as persoas xurídicas que sexan titulares dun café-bar no Concello de Verín e que cumpran os seguintes requisitos:

- a) Ser sociedades legalmente constituídas.
- b) Recibo do lixo do ano en curso que demostre que o local está activo a nome da Sociedade.
- c) Ter cesado a súa actividade conforme ao acordo consensuado adoptado polos hostaleiros de Verín a partir do 13 de outubro de 2020 ás 20:00h

#### **QUINTO.- CONTIA:**

As axudas económicas constan de dous importes a percibir en dous periodos de tempo diferenciados:

- a) Anticipo fixo de 300€. Que poderá solicitarse dende o xoves 15 de outubro de 2020 ata o 31 de outubro de 2020.
- b) Importe económico variable prorrateado en base aos gastos fixos do establecemento durante o período de peche (alugueiro ou hipoteca, salarios, seguridade social e subministrados). Estes deberán solicitarse a partir da data na que finaliza a medida (venres 23 de outubro de 2020) e ata 23 de decembro de 2020.

#### **SEXTO.- SOLICITUDES:**

a) ANTICIPO FIXO DE 300€ EN CONCEPTO DE PERDAS OCASIONADAS POLA ADOPCIÓN DO PECHE VOLUNTARIO

Modelo de solicitude, que estará á súa disposición no Concello, xunto ca seguinte documentación:

- Recibo do lixo do ano en curso ou liquidación de Facenda do último trimestre, para comprobación de negocio en activo.
- Declaración responsable de peche do establecemento e de cumprimento dos requisitos para ser beneficiario da subvención.
- Número de conta.
- Relación de datos dos traballadores (nome, apelidos, DNI e teléfono) para a realización da PCR.

Todos os formularios estarán á disposición dos interesados no rexistro da Casa do Concello.

b) IMPORTE ECONÓMICO VARIABLE PRORRATEADO EN BASE OS GASTOS FIXOS DO ESTABLECIMENTO DURANTE O PERÍODO DE PECHE.

---

**Concello de Verín**

Plza. del Concello, 1, Verín. 32600 (Ourense). Tfno. 988410000. Fax: 988411900





- Contrato de alugueiro ou hipoteca do mes de outubro
- Nóminas dos traballadores afectos á actividade no mes de outubro
- Recibo de autónomo do mes de outubro
- TC da Seguridade Social dos traballadores afectos á actividade
- Facturas de subministros (auga e luz) do mes de outubro.

Todas as solicitudes serán rexistradas na Casa do Concello (entrada á man dereita).

A presentación poderá realizarse de modo presencial ou telemático, neste ultimo caso a través da sede electrónica do Concello de Verín (<http://verin.sedelectronica.gal>)

Así mesmo, para a concesión do anticipo será necesaria a presentación dunha declaración responsable de peche. No caso de que durante o período estipulado, o establecemento non cumpra as condicións de peche continuado, terá que reintegrar o importe do anticipo e non terá dereito á concesión do segundo importe.

Para a concesión do importe económico variable, os funcionarios comprobarán que houbo resolución favorable para a concesión do anticipo. Do mesmo xeito, solicitarase á Policía Local informe que certifique o peche do establecemento durante o período estipulado.

## **SÉPTIMO: RESOLUCIÓN**

A competencia para resolver as solicitudes correspóndelle á Alcaldía, ou Concellería delegada.

As resolucións que se diten neste procedemento esgotan a vía administrativa, e contra elas cabe interpoñer recurso contencioso - administrativo no prazo de dous meses ante o xulgado do contencioso administrativo de Ourense, de conformidade co previsto na Lei 29/1998, do 13 de xullo, reguladora da xurisdición contencioso-administrativa. Poderase formular, con carácter

potestativo, recurso de reposición no prazo dun mes, ante o mesmo órgano que ditou a resolución impugnada, de acordo coa Lei 39/2015, do 1 de outubro. Non poderán simultanearse ambos os dous recursos.

## **OCTAVO: OBRIGAS DOS BENEFICIARIOS**

Son obrigas dos beneficiarios:

- 1ª) Someterse ás actuacións de comprobación e control financeiro previstas pola lexislación vixente en materia de subvencións.
- 2ª) Proceder ao reintegro dos fondos percibidos nos supostos contemplados nos artigos 36 e 37 da Lei xeral de subvencións, e en particular, por obter a

---

**Concello de Verín**

Plza. del Concello, 1, Verín. 32600 (Ourense). Tfno. 988410000. Fax: 988411900



Cod. Validación: 3TORCYA9XADP6ZKZ0RE6MY9RL | Corrección: <https://verin.sedelectronica.gal/>  
Documento asinado electronicamente desde a plataforma xestiona esPublico | Páxina 4 a 5



subvención falseando as condicións requiridas ou ocultando aquelas que a tivesen impedido, ou mostrar resistencia, escusa, obstrución ou negativa ás actuacións de comprobación e control financeiro.

#### **NOVENO: PROTECCIÓN DE DATOS ACHEGADOS COA SOLICITUDE:**

1. O tratamento polo Concello de Verín dos datos persoais achegados polos solicitantes fúndase no disposto nos apartados c) e e) do artigo 6 do Regulamento UE 2016/679 do Parlamento Europeo e do Consello, de 27 de abril de 2016, relativo á protección das persoas físicas no que respecta ao tratamento dos datos persoais e á libre circulación destes datos, así como no artigo 6.2 da Lei orgánica 3/2018, do 5 de decembro, de protección dos datos de carácter persoal, ao ser a achega dos datos e informacións esixida nas presentes bases necesaria para o cumprimento do disposto na lexislación xeral de subvencións, así como para a comprobación do cumprimento dos requisitos e valoración das solicitudes consonte ao indicado nas propias bases.

En consecuencia, a negativa a facilitar estes datos ao Concello de Verín determinará a exclusión da persoa interesada no procedemento.

